



KOMUNIKADO

Fecha:
12 Yuni 2023

Persona di kontakto:
Jizraja Bacuna

Email:
Info.brandweer@gobiernu.cw

Kandela di kas

Kòrsou, 12 Yuni 2023

Pa e aña aki, den menos ku kuater luna, Brantwer Kòrsou a registrá kuater insidente di kas na kandela ku morto envolví. Forsa ta bai na famia i sernan kerí di e defuntunan.

Brantwer Kòrsou ke enkurashá komunidad di Kòrsou pa tin un plan di eskapé pa kada hogar. Esaki teniendo kuenta ku kapasidat, mobilitat i kostelashon di kada miembro di famia.

Riba e foyeto por mira un ehèmpel di un plan di eskapé i algun punto pa tene kuenta ku n'e na momentu ku kada famia ta traha riba un plan ku ta kuadra ku nan situashon.

Pa pregunta òf den kaso ku ta deseá mas informashon tokante plan di eskapé pa kas, por tuma kontakto ku ofisina prinsipal di Brantwer Kòrsou na number di telefón 462 9111 òf mail na e adrès info.brandweer@gobiernu.cw.

KANDELA!

BO KAS POR TA NA KANDELA, BO FAMILIA TA PREPARÁ?



Ken ta spièrta e muchanan?

Papai no por kana su so.

E kachó ta mará i e lora ta den kouchi!

Ta ken a pone baiskel den porta?

M'a ta unda e yabi kas ta?

No Tin Tempu Pa Plania SEA PREPARÁ!

Traha un plan di eskape di kandela pa bo kas. Praktika esaki por lo menos 2 biaha pa aña. Sea sigur ku tur hende sa kiko nan tin di hasi na momentu ku e alarma di kandela bai. Por ehèmpel ken ta buska i òf usa e kos di paga kandela i ken ta yama 911.

Importante pa kòrda riba esnan ku mester di yudansa pa lanta i/ òf pa yega na un lugá sigur. Nan tambe mester ta parti di e plan. E por ta un mucha, un persona ku desabilidad, un hende di edat haltu òf un bestia di kas.

Pinta un mapa di bo kas, ku dos ruta (si ta posibel) pa salida, for di kada kamber te na un lugá sigur pafó di kas. Inkluyendo bentana i porta. Sea sigur ku e ruta ta sin ningun obstáku-lo i ku e bentana i portanan ei por habri fasilmente den kaso di emergencia.


Skohe un lugá pa reuní unabes ku boso ta pafó. E mester ta un lugá fiho. Por ehèmpel un palu di lus, kas di un bisña, un bòrchi di trafiko, ku ta na distansia realístiko pa tur persona di kas i tambe for di peliger.

Tur persona den kas mester sa e number di emergencia di Brantwer i sa kon ta yama na momentu ku nan ta pará pafó, riba un distansia, pafó di peliger. Si bo tin persona ku ta keda serka bo na kas komo bishitante, inform' é di e plan di emergencia.

Praktiká! Praktiká! Praktiká!
Den dia i anochi!



Plan di Eskape



Bentana

Ruta di emergencia primario

Ruta di emergencia sekundario

Yabi di emergencia

Kos di paga kandela

